

GJALDSKRÁ

Brunavarna á Austurlandi.

I. KAFLI

Almennt.

1. gr.

Verkefni Brunavarna á Austurlandi ákvarðast annars vegar af lögum um brunavarnir nr. 75/2000 með síðari breytingum og reglugerðum settum samkvæmt þeim og hins vegar af ákvæðum í stofnsamningi Brunavarna á Austurlandi.

2. gr.

Brunavarnir á Austurlandi innheimta ferða- og uppihaldskostnað í samræmi við reglur ferðakostnaðarnefndar fjármálaráðuneytisins.

3. gr.

Slökkviliðsstjóra er heimilt að fella niður gjald vegna starfsemi ef verkefni telst þjóna almannahagsmunum og/eða fellur að markmiðum sem Brunavörnum á Austurlandi eru sett í stofnsamningi.

4. gr.

Eftirtaldir taxtar eru notaðir við vegna útseldrar vinnu starfsmanna Brunavarna á Austurlandi samkvæmt nánari skilgreiningum í greinum gjaldskrárinnar.

- a) Útseld klukkustund án álags pr. starfsmann er kr. 10.350 (útkall 4 klst. kr. 41.400).
- b) Útseld klukkustund með 33% álagi pr. starfsmann er kr. 13.765 (útkall 4 klst. kr. 55.060).

II. KAFLI

Lögbundin verkefni.

5. gr.

Sé ákvæðum 2. mgr. 29. gr. laga um brunavarnir nr. 75/2000 með síðari breytingum beitt skal eigandi eða umráðamaður mannvirkis eða lóðar bera kostnað samkvæmt gjaldskrá af eftirliti með því að farið hafi verið að kröfum um úrbætur samkvæmt 3. mgr. 29. gr. sömu laga. Einnig er heimilt að taka gjald fyrir öryggis og lokaúttektir samkvæmt 2. mgr. 12. gr. sömu laga.

Innheimt er fast tímagjald fyrir byrjaða klst. útseldrar vinnu hvers starfsmanns samkvæmt a-lið 4. gr. Innheimt er hlutfallslega fyrir hvern byrjaðan stundarfjórðung eftir það.

6. gr.

Lokun mannvirkis.

Innheimt skal fyrir alla vinnu og akstur sem fellur til vegna lokunar mannvirkis eftir að eiganda eða forráðamanni hefur verið tilkynnt ákvörðun slökkviliðsstjóra um að loka skuli viðkomandi mannvirki.

Innheimt er fast tímagjald fyrir byrjaða klst. útseldrar vinnu hvers starfsmanns samkvæmt a-lið 4. gr. Innheimt er hlutfallslega fyrir hvern byrjaðan stundarfjórðung eftir það.

Þegar um útkall er að ræða utan tilskilins daglegs vinnutíma starfsmanns eru innheimtar að lágmarki 4 klst. fyrir hvern starfsmann sem sinnir verkefninu og auk þess hlutfallslega fyrir hvern byrjaðan stundarfjórðung eftir það. Heimild til gjaldtöku byggir á 3. mgr. 29. gr. og 32. gr. laga um brunavarnir.

7. gr.

Dagsektir.

Innheimt skal fyrir alla vinnu og akstur sem fellur til frá og með ákvörðun slökkviliðsstjóra um dagsektir og þar til kröfum um úrbætur á eldvörnum hefur verið fullnaegt.

Innheimt er fast tímajald fyrir byrjaða klst. útseldrar vinnu hvers starfsmanns samkvæmt a-lið 4. gr. Innheimt er hlutfallslega fyrir hvern byrjaðan stundarfjórðung eftir það Heimild til gjaldtöku byggir á 3. mgr. 29. gr. laga um brunavarnir.

8. gr.

Öryggis- og lokaúttektir.

Innheimt er fyrir alla vinnu sem fellur til vegna öryggis- og lokaúttektar. Innheimt er fast tímajald fyrir byrjaða klst. útseldrar vinnu hvers starfsmanns samkvæmt a-lið 4. gr., en þó við stærri úttektir að lágmarki 2 klst. pr. starfsmann sem sinnir verkefninu. Innheimt er hlutfallslega fyrir hvern byrjaðan stundarfjórðung eftir það. Heimild til gjaldtöku byggir á 3. mgr. 12. gr. laga um brunavarnir.

9. gr.

Eftirlit og eftirfylgni kröfugerðar.

Fyrir eftirlit og eftirfylgni kröfugerðar skal tekið fast gjald. Innheimt er fast tímajald fyrir byrjaða klst. útseldrar vinnu hvers starfsmanns samkvæmt a-lið 4. gr. Innheimt er hlutfallslega fyrir hvern byrjaðan stundarfjórðung eftir það. Þegar um útkall er að ræða utan tilskilins daglegs vinnutíma starfsmanns eru innheimtar að lágmarki 4 klst. fyrir hvern starfsmann sem sinnir verkefninu og auk þess hlutfallslega fyrir hvern byrjaðan stundarfjórðung eftir það. Heimild til gjaldtöku byggir á 3. mgr. 29. gr. laga um brunavarnir.

10. gr.

Eftirfylgni útkalla vegna brunaviðvörunarkerfa.

Sé slökkvilið kallað út vegna boða frá sjálfvirku brunaviðvörunarkerfi án þess að eldur sé laus skal innheimt fyrir kostnaði af eftirliti með því að gerðar séu nauðsynlegar ráðstafanir til þess að koma í veg fyrir endurtekin falsboð.

Innheimt er fast gjald fyrir eina klukkustund samkvæmt a-lið 4. gr. fyrir eftirlitið. Leiði það hins vegar til frekara eftirlits, vegna ítrekaðra falsboðana eða alvarlegra ágalla á brunavörnum, fellur það undir eftirlit og eftirfylgni kröfugerðar, sbr. 9. gr. þessarar gjaldskrár og er þá innheimt samkvæmt því. Heimild til gjaldtöku byggir á 3. mgr. 29. gr. laga um brunavarnir.

III. KAFLI Önnur verkefni og þjónusta.

11. gr.

Slökkvilið sinnir öðrum verkefnum sem eru ekki skilgreind sem verkefni liðsins samkvæmt lögum. Þessi verkefni verða þó að falla að tilgangi slökkviliðsins sem er að vinna að velferð íbúa aðildarsveitarfélaga samkvæmt stofnsamningi, séu þau ekki falin öðrum til úrlausnar í lögum né framkvæmd í samkeppni við aðra aðila. Því ber að taka gjald fyrir veitta þjónustu.

Innheimt er fast tímajald fyrir byrjaða klst. útseldrar vinnu hvers starfsmanns samkvæmt a-lið 4. gr. fyrir lögbundin verkefni. Innheimt er hlutfallslega fyrir hvern byrjaðan stundarfjórðung eftir það

Að teknu tilliti til samkeppnissjónarmiða, þjálfunar, virkjunartíma og þess að þjónustan er aðgengileg allan sólarhringinn, allt árið er innheimt er fast tímajald með 33% álagi fyrir byrjaða klst. útseldrar vinnu hvers starfsmanns samkvæmt b-lið 4. gr. fyrir vinnu sem ekki er skilgreind sem verkefni liðsins samkvæmt lögum. Innheimt er hlutfallslega fyrir hvern byrjaðan stundarfjórðung eftir það. Þar sem um sérstakan viðbúnað er að ræða, sbr. 12.-14. gr., er að lágmarki innheimt fyrir fjóra starfsmenn í tvær klukkustundir, samkvæmt b-lið 4. gr.

12. gr.

Viðbúnaður vegna eldsvoða og mengunaróhappa.

Í 2. gr. laga um brunavarnir nr. 75/2000 með síðari breytingum kemur fram að löginn gilda um eldvarnir og slökkvistörf vegna eldsvoða og viðbúnað við mengunaróhöppum á landi nema kveðið

sé á um annað í lögnum. Lögin gilda ennfremur um björgun á fastklemmdu fólkis úr mannvirkjum og farartækjum með sérhæfðum björgunarþúnaði. Slökkvistörf og viðbúnaður við mengunar-óhöppum á sjó og í lofti falla ekki undir lögin. Lögin ná því til starfsemi slökkviliða á landi, þ.m.t. slökkvistörf í jarðgöngum, í skipum sem liggja í höfn og loftförum sem eru á jörðu niðri. Lögin taka ekki heldur til eldvarna í skipum með haffærisskírteini, loftförum, almennum vinnuvélum, bifreiðum eða öðrum vélknúnum örkuðækjum. Er það mat slökkviliðsstjóra hverju sinni hvenær sinna skal beiðnum um verkefni fyrir utan gildissvið laganna.

Ef óskað er eftir því að slökkviliðið sinni verkefni sem fellur utan gildissviðs laganna skal lágmarksgjaldtaka vera fyrir fjóra starfsmenn í tvær klukkustundir ef ekki liggja fyrir samningar um annað. Innheimta skal því að lágmarki 8 klst. samkvæmt b-lið 4. gr., og hlutfallslega fyrir hvern byrjaðan stundarfjórðung eftir það.

13. gr.

Viðbúnaður vegna upphreinsunar.

Upphreinsun sem fellur ekki undir skilgreiningu 3. gr. laga um brunavarnir nr. 75/2000 á mengunaróhappi er sinnt af slökkviliði þótt ekki sé mælt fyrir um það í lögum um brunavarnir, meðan ekki eru aðrir þar til hæfir aðilar tiltækir til að sinna verkefninu. Er það mat slökkviliðsstjóra hverju sinni hvenær sinna skal beiðnum um verkefni fyrir utan gildissvið laganna.

Ef óskað er eftir því að slökkviliðið sinni verkefni sem fellur utan gildissviðs laganna skal lágmarksgjaldtaka vera fyrir fjóra starfsmenn í tvær klukkustundir ef ekki liggja fyrir samningar um annað. Innheimta skal því að lágmarki 8 klst. samkvæmt b-lið 4. gr., og hlutfallslega fyrir hvern byrjaðan stundarfjórðung eftir það.

14. gr.

Viðbúnaður vegna verðmætabjörgunar og vatnsleka.

Verðmætabjörgun sem ekki er tilgreind í brunavarnalögum, t.d. vegna vatnsleka, er sinnt af slökkviliði þótt ekki sé mælt fyrir um það í lögum um brunavarnir, meðan ekki eru aðrir þar til hæfir aðilar tiltækir til að sinna verkefninu. Er það mat slökkviliðsstjóra hverju sinni hvenær sinna skal beiðnum um verkefni fyrir utan gildissvið laganna.

Ef óskað er eftir því að slökkviliðið sinni verkefni sem fellur utan gildissviðs laganna skal lágmarksgjaldtaka vera fyrir fjóra starfsmenn í tvær klukkustundir ef ekki liggja fyrir samningar um annað. Innheimta skal því að lágmarki 8 klst. samkvæmt b-lið 4. gr., og hlutfallslega fyrir hvern byrjaðan stundarfjórðung eftir það.

15. gr.

Ráðgjafarþjónusta.

Falli ráðgjafarvinna undir ákvæði stjórnsýslulaga um upplýsinga- og leiðbeiningaskyldu skal sú vinna undanþegin gjaldi. Ef ráðgjafarvinnan er fyrir utan ákvæði d-liðar 1. mgr. 12. gr. laga um brunavarnir nr. 75/2000 með síðari breytingum, um leiðbeiningar til fyrirtækja og stofnana eftir atvikum um hvaðeina er varðar brunavarnir og eldsvoða vegna viðkomandi starfsemi, er þjónustan gjaldskyld.

Innheimt er fast tímagjald með 33% á lagi fyrir byrjaða klst. útseldrar vinnu hvers starfsmanns samkvæmt b-lið 4. gr. og hlutfallslega fyrir hvern byrjaðan stundarfjórðung eftir það.

16. gr.

Tækjaleiga.

Tækjaleiga er ekki fyrirskrifud í lögum um brunavarnir. Þó er eðlilegt að leigja tæki sem eru þess eðlis að ekki er hægt að leigja þau hjá öðrum aðilum eða ef aðstæður kalla á skjóta notkun sem aðrir aðilar geta ekki boðið.

Verðlagning er ákveðin þannig að hún sé ávallt í það minnsta 35% hærri en leiga á svipuðum eða sambærilegum tækjum sem aðrir geta útvegað til að tryggja samkeppnissjónarmið. Oftast er um að ræða dælu- eða körfubíla, t.d. vegna kvikmyndagerðar eða einhverrar uppákomu sem kallar á slíkan búnað. Verðlagningu á tækjum skal endurskoða við hverja breytingu á gjaldskrá þessari.

Tæki sem tilheyra aðildarsveitarfélögum Brunavarna á Austurlandi skulu aðeins notuð af starfsmönnum slökkviliðsins. Innheimt skal að lágmarki 4 klst. samkvæmt a-lið 4. gr. fyrir hvern starfsmann sem sinnir verkefninu og auk þess hlutfallslega fyrir hvern byrjaðan stundarfjórðung eftir það, auk tækjaleigu.

17. gr.
Annað.

Innheimt skal gjald fyrir aðra vinnu sem ekki er tilgreind hér og ekki er mælt fyrir um í lögum eða er í samræmi við stofnsamning Brunavarna á Austurlandi. Innheimt er fyrir tæki samkvæmt 16. gr. og að lágmarki 4 klst. samkvæmt a-lið 4. gr. fyrir hvern starfsmann sem sinnir verkefninu og auk þess hlutfallslega fyrir hvern byrjaðan stundarfjórðung eftir það.

Getur þetta átt við um þjónustu vegna sérstakra verkefna eins og kvíkmyndatöku, móttöku erlendra þjóðhöfðingja eða sendimanna, menningarviðburða o.fl. þess háttar.

IV. KAFLI **Innheimta.** 18. gr.

Brunavarnir á Austurlandi annast innheimtu gjalda samkvæmt gjaldskrá þessari eða innheimtu-fyrirtæki sem verkefnið er falið samkvæmt samningi þar að lútandi. Um innheimtu gjalda skal fara eftir viðteknum venjum í innheimtu opinberra stofnana. Gjalddagi gjalda samkvæmt gjaldskránni er útgáfudagur reiknings og eindagi er 30 dögum síðar. Dráttarvextir reiknast frá gjalddaga séu gjöldin ekki greidd á eindaga.

Gjöldum sem til eru komin vegna öryggis- og lokaúttekta, sem og aðgerða til að knýja fram úrbætur samkvæmt lögum, sbr. 5. gr. t.o.m. 10. gr., fylgir lögveð í viðkomandi fasteign eða lóð, sbr. 3. mgr. 12. gr. og 3. mgr. 29. gr. laga um brunavarnir nr. 75/2000 með síðari breytingum.

V. KAFLI **Gildistaka og lagastoð.** 19. gr.

Gjaldskrá þessi, sem sett er með heimild í lögum nr. 75/2000 með síðari breytingum og reglugerðum settum samkvæmt þeim, er samin og samþykkt af aðildarsveitarfélögum Brunavarna á Austurlandi með heimild í 1. mgr. 92. gr. sveitarstjórnarlaga nr. 138/2011 með síðari breytingum. Gjaldskráin er einnig samþykkt af stjórn Brunavarna á Austurlandi. Gjaldskráin öðlast gildi við birtingu í B-deild Stjórnartíðinda.

F.h. stjórnar Brunavarna á Austurlandi, 23. júní 2014.

Björn Ingimarsson stjórnarformaður.

B-deild – Útgáfud.: 8. október 2014